



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lacrimæ Orbis Universi, Post Primam Protoparentum  
nostrorum E Paradiso Exulum culpam, exortæ, In  
Universim Genus Humanum, traduce reatu propagatæ,  
Ruptis animorum abyssis, Laxatis cordium fontibus, ...**

**Schmucker, Mathias**

**Glacii, Anno 1689**

Oda.

**urn:nbn:de:hbz:466:1-38152**

mere quæ fortiora sunt? Dissipatas loquimur opes  
 di, cùm jam ipse Mundus in finem suum vergens,  
 tiis agatur extremis. Quantò istud majus & gra-  
 est, quòd jam ipse non in longum erit? Quid com-  
 moramus attritam ejus rem & supellectilem? Ne-  
 meritò in defectum viribus ævo non sumptis urge-  
 adminiculisque suis destituitur, cùm jam in senium  
 tanti onere succumbat. Postrema Mundi ætas re-  
 est malis, tanquam morbis senectus. Visa sunt, vid-  
 tūrque jam dudum ista cano sæculò: fames, pestilentia  
 vastitas, bella, terrores. Hi sunt in ultimis jam  
 langviores sui: hinc sæpè illa cernuntur signa, motus  
 terrarum, permutatæ temporum vices, monstro-  
 mantium fœcunditates: quæ omnia adhuc proced-  
 tis prodigia sunt Temporis, sed jam deficientis. Sa-  
 enter opinor, omnia & cum nervo, dignaque Eucha-  
 qui magnorum sui sæculi Pontificum longè Maximian-  
 men retulit.

*O D A.*

**Q**uid doctos terimus Candide codices,  
 Fatis interea dura legentibus  
 In nos de rigido carmina pulpito?  
 Fuscamus cerebrum nube, Cleanthicis  
 Doctum luminibus: volvimus indices,  
 Et curas vigili dicimus Hespero  
 Facturi invidiam lumine Phosphoro,  
 Nostræ non memores, quàm niteat brevis  
 Fax vitæ impavidis, forsan in ultimas  
 Cessuræ tenebras & tumuli Scrobem.  
 Sic horas studii ducimus ebrias  
 Lassatósque dies: inflatiabilis

Vitam furda terit lima Scientiæ,  
 Virésque attenuat gloria Nominis  
 Longis ingenii parta caloribus.  
 Instillat cyathis toxica melleis,  
 Et virus sapiens Palladis amphora,  
 Sacris amphora circumdata laureis,  
 Et Phœbi pateræ: dulcior influit  
 Magnarum rabies & furor artium.  
 Torqueri volupè est: dulcè jugum pati:  
 Ambimus stimulos, quos Sapientiæ  
 Infigit cupido dextera vertici.  
 Ætas pulsa fugit: prætereunt dies,  
 Succedunt refugis tempora solibus  
 Morborum vario armata satellite.  
 Ornari satis est: quid iuvat ossibus  
 Succosam studiis pervigilantibus  
 Exturbare animam? robur & intimus  
 Nervorum vigor abstergitur, & suum  
 Ætati pretium: viva cadavera,  
 Et mortes gerimus vultibus, & phthyses,  
 Et patres spuimus tussibus hecaticas,  
 Et quæ non parimus semina mortium?  
 Flagrant ictericis ignibus ilia,  
 Internisque ferox fulminibus furit  
 Atræ fæx cholæræ: fluctuat, æstuat  
 Tempestas animi: mens hypochondricis,  
 Ceu navis pelago jacta, tumultibus  
 Tres Orci queritur visceribus Deas,  
 Aut pectus, Titii carpere vulturem.  
 Non ignota loquor: dum premimus libros,  
 A Fatís premimur: carmina scribimus,  
 Et falsa celebres arte Philippicas,  
 Et multo nova sudore volumina:  
 Ast in nos digito scribitur Æaci

Vitæ ultima sententia iudicis,  
 Experto nimium crede: quid ambias  
 Famæ progeniem, nominis & decus  
 Immortale tuis Candide litteris?  
 Si quæ notitiæ materies tuæ  
 Magnorum steterit chara favoribus,  
 Livoris rabies, & mala mentium  
 Pestis, continuò nominis æmula  
 Longis invidiæ te scabet unguibus.  
 Serò cum Phrygibus quot sapiunt? suum  
 Qui vitæ dederunt manè scientiis,  
 Ætatisque diem Palladis artibus?  
 Tandem continuis acta laboribus,  
 Morborumque gravi exesa teredine  
 In se vita ruit: canus inambulat  
 Anhosusque dies tempora: Ver fuit,  
 Et nusquam est: vetulam totus in arborem  
 Majus computruit: transit in gelu  
 Ætatis melior flamma Decembrium,  
 Ignavasque nives: nulla caloribus  
 Sacri vena fluit verticis: entheus  
 Torpescit gelido spiritus in foco.  
 Parnassus viridem gestit Apollinem,  
 Et flavam capitis cæsariem, chorus  
 Ter ternus, gemini verticis, & gelu  
 Languoremque fugit carminis ossi,  
 Elumbésque modos: non facit ad lyram,  
 Alternósque pedes nænia flebilis.  
 Explodunt tremulam Castalides manum,  
 Et tussim vetuli carminis, excreat  
 Quæ vix non animam cum pedibus gravem,  
 Daphnem Bruma fugat pallida verticis,  
 Hanc & Virgo fugit Thessala Stiriam,  
 Daphne sueta rosis non nive cingier.

Non incana tegit tempora laurea:  
 Nec blætos sequitur gloria Rhetores.  
 Orator vario Tullius aruit  
 Felix eloquio: flumina Rhetorum  
 Jam frustra Latius docta liquoribus  
 Effatum afficiunt: non tonitru ruit,  
 Nec suadæ feriunt fulmina porticus.  
 Hæret pumiceis totus in ossibus  
 Fracta voce silex: cedo: quid exedras,  
 Et Demostheneas sollicitem stolas?  
 Sudoris satis est: gloria vellicet  
 Inconstans alios: pulpita laureas,  
 Et famæ titulos, qui cupit ambitu  
 Quæret sollicito: me iuvat unice,  
 Quamvis Palladiæ dote scientiæ  
 Olim conspicuum, sanguine splendidum,  
 Fortunatum opibus, nobilibus procul  
 Abstractum invidiis, sub lare paupere,  
 Spretis divitiis, gloriâ, honoribus,  
 Mundo, delitiis, prosperitatibus,  
 Pompis, obsequiis, spebus, amoribus.  
 Clarâ stirpe Ducum, sanguine Principum,  
 Arcanis Superum consiliis frui.  
 Stultus divitias Terrigenum furor  
 (Auri sacra fames) in cumulos legit,  
 Et census numerat, nobilem atrocibus  
 Tormentis animum subijcit, & iugo  
 Plusquam Bistonio barbarus opprimit:  
 Curarum pelagus, tristitiæ fretum,  
 Et Scyllæ scopulos (sollicitudinum  
 Formidabilem saxa) domesticæ  
 Præceps ingreditur: qui Babylonis  
 Fortunis inhiat, fit Titius sibi  
 Pascens Tænarium pectore vulturem.

Quantumcúmque premat cista pecuniæ,  
 Auri dira fames non satiabitur,  
 Numorúmque fitis: serinia turgeant  
 Argento, sed opum semper inania  
 Sunt desiderii vota perennibus.  
 Torquentur miseri semper, & improbis  
 Sudat subdita mens anxietatibus,  
 Infelix sibi: qui stare beator  
 Paupertate sua posset, & omnibus,  
 Contentus modico, delitiosior  
 Regum lautitiis paupere sub penu.  
 Contemptis opibus qui populo miser,  
 Infelix, & inops creditur, aureis.  
 Fortunatior est, ac opulentior  
 Thesauris Arabum, & divitiis Phrygum:  
 Hic ipsis superis invidiam movet,  
 Frugalis vacuum quem sapientia  
 Vulgi colla super subleuat altiùs.  
 Virtus splendida sub paupere mantica  
 Lætos, tristitiæ nescia, agit dies.  
 Quando veste gemit sub Tyria Mydas,  
 Trissem pauperiem vidi opulentibus  
 Fortunæ imperio bile frementibus  
 Imponi Æmiliis: paupere Regiam  
 Quadrâ, & Cæsaream forfureo gulam  
 Pasci farre: Codris, Callicrates pares,  
 Fasces Romulidùm, fascibus arborum  
 Festo Chaoniis igne crepantium:  
 Vidi Tarquinius, quos Babylonia  
 Gemmatis coluit purpura fibulis,  
 Claros imperio, sanguine, viribus,  
 Exutos trabeâ, torque, potentiâ,  
 Regni præsidiiis & diademate,  
 Et scepro & solio, paupere penulâ,

Et eentone regi: fascibus inclytos  
 Et bellis celebres laurigeris Duces  
 In cæno Marios! & Dionytios,  
 Raptis Imperii clavibus, exules  
 In ludo graphium ferre Didascalos  
 Contentos pretio vilis edulii.  
 Et cingi tunica pauperis Ibici.  
 Præstat sponte sua quarere, quàm metu  
 Fortunæ impositam pauperiem pati,  
 Tortores loculos, carnifices opes  
 Virtutis studio spernere masculæ.  
 Et plantâ premere, his quàm dominis premi,  
 Et cordis furiis continuis agi.  
 Soli me mihi do: sufficio mihi:  
 Non desideris jactor inanibus:  
 Cræsus divitias, Irus habet nihil.  
 Exoptâtque nihil: pessima Divites  
 Curarum exagitat sarcina Pauperes.  
 Nullo pauper eget: num tunicâ aureus  
 Aut ferruginea cyclade laneus  
 Pannofûsque fiat, nil humili interest.  
 Non uror Tyriæ vestis amoribus:  
 Sat cultus veteris vellere sepia  
 Agnosco cineris pauperiem mei.  
 Sic nullo tumidus murice, neminem  
 Sub vili miserum terreo gauſapa  
 A nullo pavidus: non vigil anxias  
 Insomnesque queror sollicitudines:  
 Non curis animum, nulla tumultibus  
 Pax interna quatit: nunc hilaris premo,  
 Quantis invidiæ nata faventium  
 Magnatum steterit fama doloribus.  
 Aulai satis est: vincula, compedes.  
 Formosâsque cruces: mille pericula,

Et Syrtes pelagi, & mille voragine,  
 Et navifragia, & funera prodiga  
 Mercatur fatuus caupo libidinum,  
 Aulam quisquis amat: fallit inanibus  
 Hæc pactis animum: pascit amoribus  
 Vanis implicitum, lætat honoribus,  
 Hunc aulæ favor ad sidera sublevat;  
 Illum ad Tartareos præcipitat specus,  
 Stringit compedibus, carcere, vinculis,  
 Infamique probro damnat, & ultimis  
 Condemnata metit colla securibus.  
 Hunc Sors immodicis laudibus evehit,  
 Illum in visa premit dente calumnia,  
 Hunc lambit labiis melle fluentibus,  
 Illum nectareo toxico inebriat,  
 Et fel vipereum inspirat ab osculis.  
 Hæc Fortuna suis utitur artibus,  
 Hæc versuta dolis ludit in Aulicos;  
 Hæc vaftrum ingenium exercet, amabilis  
 Umbræ, semideos fallit imagine,  
 Apponitque oculis vitra triangula,  
 Augentésque tubos, ut videant *nihil*  
*Immane*, & fatui se diademata,  
 Et sceptræ, & trabeas Orbis, & omnia  
 Terrarum imperia, & divitias putant  
 Se visas manibus prendere, comicis  
 Delusi speculis: somnia inania,  
 Et mendacia conficta tenent, brevi  
 Lapsura in nebulas, & celeres Notos;  
 Hæc, est mancipium vivere splendidum,  
 Hæc, nunquam est placidum cernere Cynthium  
 Innubesque dies: sunt nebulæ aulicæ,  
 Sunt umbræ scelerum: quò tegitur magis  
 Viadicta, invidia, ira, ambitio, dolus,

Tantò est nobilior gloria criminis,  
 Exoptat tenebras aulica noctua,  
 Noctem nycticorax, ne niteat jubar  
 Sub caligine larvale superbæ,  
 Obscuròs adeunt lucifugialites.  
 Babonésque, nigros quæis lateant specus.  
 Mentel larva tegit: Verba bilingua  
 Cælant nequitia nomina callidæ.  
 Hic, monstrum est, animum cernere candidum,  
 Et mentem niveo pectore lacteam.  
 Cunctis fucus inest, & spurius color.  
 Mitem fert placida fronte columbulam,  
 Agnellum alloquio simplice candidum,  
 Intus corde gerit saucius histricem,  
 Rodentémque feram pectore viperam.  
 Spirat composito ex ore serenitas.  
 Tempestas animo fulminat & furit.  
 Hic aulæ furor est abditus, anxius,  
 Qui multos jugulat: vertitur ut rota  
 Mentis continuis asperitatibus,  
 Et toto gerit Ixiona corpore,  
 Ad suprema suæ granula clepsydæ.  
 Non est ferrea constantia lusibus  
 Terrenis, nec homo, qui stabilis sibi  
 Constet sorte pari, nec sapientiâ.  
*O quantum vacuum est rebus in omnibus!*  
 Quantum stultitiæ, luxus, opes, honor!  
 Eheu! ludimur & ludimus! inscii  
 Quæ nos fata manent ultima temporis!  
 Faulti prætereunt pennigeris dies  
 Vitæ celeres rapti Aquilonibus,  
 Pejores subeunt nobilioribus  
 Pulsis in *nihilum*: vix orimur, mæri  
 Mox nos fata iubent: fluminis in modum

Velox tempus abit: diffugiunt dies,  
 Horámque hora fugat: labitur hebdomas,  
 Hæc mensẽ acta trahit: mensibus abditis  
 Annus cuncta suo terminat exitu.  
*Æternũ nihil est*: in miserabiles  
 Festinant cineres omnia: concidunt  
 Congesta in tumultum angusta palatia,  
 Equanturque solo: sic nihil eminent  
 Quod non falce cadat temporis invidi.  
 Nil tam magnificum stare perennibus  
 Quod possit basibus: sic nihil inivium  
 Quod non Fata suo præcipitent pede,  
 Quod Fortuna suã non quatiat rotã.  
 Ne fide huic placidum cum semel explicat  
 Frontis læta jubar: ridet & oscula  
 Offert prona tuis mellea basiis,  
 Expanditque sinus: brachia, brachiis  
 Importuna tuis iniicit, allicit,  
 Affectusque rogat signa reciproci,  
 Addit verba dolis, aurea, byssina,  
 Mellistincta favo, nectare, Selsamo,  
 Omniq̃ ambrosia Rhetorici tropi,  
 Mereaturque fidem comis, amoribus.  
 Heic ne crede Deæ: Dalila, Dalila  
 Personata latet: palpat & implicat  
 Te captum propriis crimibus, & suis  
 Incantum laqueis: Virginis exiit  
 Et frontem & faciem: pellicis induit  
 Circe blanda genas: Tyndaris est fide,  
 Vultu Proteus instructus in omnia, &  
 Mutari facilis corpora fraudibus.  
 Quas Fortuna vices, quos variet modos  
 Expertus didici: gratia Principum  
 Radix invidiæ, perfidiæ comes,

Fomes dissidii, suspicionibus,  
 Offensis, odiis, seditionibus  
 Infontem afficiunt: tela calumniæ  
 Improvisa petunt, & faciunt reum.  
 Infestos quoties Nominis æmulos  
 Et famæ insidias ingenuæ aulicas  
 Pressa voce tuli? fulgura & horridæ  
 Tempestatis aquas, fulmina, grandines  
 Excepi clypeo pectoris æneo.  
 Præfens canities roscida lacrimis  
 Morbi, & debiliū rudera virium  
 Aulæ præmia largissima splendida  
 Consignata gravi muta silentio,  
 Insignique animi sunt patientiâ.  
 Afflicti tineas pectoris, & graves  
 Quot læso dolui corde teredines?  
*Tanti pompa stetit vana Favonii,*  
*Aulique favor, maestitia seges.*  
*Uno fonte fluit gratia Principum,*  
*Et livor parium: qui minor, invidet:*  
*Odit par: humilem despicit altior,*  
*Virtutemque premit flagitiosior.*  
 Uni sufficiat vivere Principi,  
 Auctoriq̄ue Deo: cui dedit affatim  
 Naturæ Dominus, provida corpori  
 Cui Natura fatis: sufficit: amplius  
 Quid frustra cupiam? non Lybiæ fera  
 In farto rabidus ventre furit Leo,  
 Non Massyla tigris cùm posuit famem.  
 Virtus delicias odit, & ebria  
 Spumantis Bromii cymbia, nauscat  
 Mensarum illecebras, emoritur gulæ  
 Inter luxuriam: quid Sibariticæ,  
 Quid mensæ Syriæ, quidve Vitellii

Abro.

Abronisve epulæ , luxus Apitii,  
 Impensæ Antonii , cæna Cleomenis,  
 Gambysisve dapes , sint , satiabilis  
 Ignorat modico : spernere regias,  
 Lente , & caule satur , docta cupedias.  
*Naturam, stomachum, & non trepidam famem*  
 Convivas habet , & pane , fabâ , cibo  
 Pastos tam facili sobria recreat,  
 Ultra quid cupiat , si modico est satur ?  
*Natura & stomachus non petit amplius.*  
 Tota est summa , satis . Non peto Cæcubum  
 Campanumve merum : Lesbia turgidis  
 Non infusa Scyphis vina , nec aureis  
 Decertata gulo massica poculis,  
 Non pingui recreat polline spumeus  
 Excoctus lupulo zythus : ab obvio  
 Placo farre famem : me saturat nigro  
 In crustata Ceres cortice (quam suis  
 Exceptura Deos hospitibus dedit  
 Baucis Numinibus Majugenæ & Jovi)  
 Non mandi vetulis saxea dentibus,  
 Non fractis stomachi dura caloribus ,  
 Sed cuicumque Seni cerea digeri,  
 Assueta exiguis pascere ferculis  
 Dimensioque famem : non gula nobiles  
 Ardet delicias : Sat mea panico  
 Sat vivit levibus lautia pultibus,  
 Nulli dura coquo , lymphâ domestici  
 Fontis , grata suo frigore , sobriam  
 Sedat pota sitim ; cui satis omnia  
 Ad gustum faciunt : Phasis Achæmenem  
 Insuetis satiet lauta volueribus :  
 Me robusta ceres , atque animi quies  
 Nullis invidiæ nota caloribus

Ad votum saturat : non furor Imperi  
 zelantis famulos sub juga poplites,  
 Et, quæ nescio Decreta Quiritium  
 Constantes animi præcipitant bases.  
 Austerus cilium concutiat Cato,  
 Immittat rigidum palpebra fulgetrum,  
 Linguae Fabricius fulmina torqueat.  
 Assuetum Curii grandinibus caput  
 Evibrata Jovis spicula terrei  
 Immoto capiet vertice. *Mens sibi*  
*Ipsa est præsidium criminis inscia:*  
*Scutum tuta gerit pectore, quæ potest*  
*Inconcuſſa metu dicere, sum innocens.*  
 Læsus justitiam non paro vindicem:  
 Non appello Deos, nec superum fora.  
 Nec consulta novis pulpita jurgiis:  
 Nulla bile micat vena : perambulat  
 Puro sanguineus fonte per artuum  
 Diffusus latebras pectoris alveus.  
 Non rodit nocuo Palladium meæ  
 Famæ callidior dente calumnia.  
 Tempeſtas tonitru nulla nec imbribus  
 Improvisa ferit fulmine : nubila  
 Nec mentem nebula præcipites agunt,  
 Obnubuntque diem : quotquot eunt dies,  
 Puro sole micant : pullulat otii  
 Exoptata seges : divite copia  
 Dispensat superum gratia gratias.  
 Quæ curæ vigiles, quis labor & pavor  
 Alto sollicitos qui folio sedent  
 Enervent, hilaris nescio : quid regi  
 Sit, lætus didici : quid regere, haud peto,  
 Nec, si fortè velim, convenit, aut decet  
 Devotum Superis : *pauperius meos*

Regnum

*Regnum majus habet, faustius omnibus  
 Terrarum imperiis, tutius, altius:  
 Regnum est quod teneo, gratia Numinis,  
 Regnum est quod cupio, gloria calitum:  
 Regnum est ipse Deus Trinus, & Unicus,  
 Cujus servitio vivo beator,  
 Quam Mundi tumidis Magnus honoribus,  
 Regnis, divitiis, praesidiis, potens.  
 Non tanti celebres ambio lacrimas:  
 Non ut poeniteam delitias emo:  
 Pauper possideo nil, cupio minus,  
 Apponoque lucro vivere pauperem,  
 Securamque mei; ditior omnibus,  
 Quas auri cumulat divitias amor,  
 Hic solus locuples, qui patrimonia,  
 In solo posuit, votaque Numine,  
 Et virtutis opes: hic adamantino  
 Clausus veete jacet, tutus ab omnibus  
 Thesaurus manibus Spartali & Harpali.  
 Nulli hinc Autolici decutiunt seras,  
 Effringuntque lares: hic posuit loco  
 Tuto pauper opes, qui nihil expetit,  
 Nil ambit nitidum quod sapiat lutum.  
 Multum est: quod satis est: si cupit amplius  
 Ultra, jam nimium est: non humilis sitis,  
 Non discreta fames laura triclinia,  
 Ut placetur, amat; dulce suo sapit  
 Nativa vitreus fons ab origine:  
 Et de rupe ruit gratior unda, quam  
 Si de vase fluant massica gemmeo,  
 Sic Rex ipse mihi; nullius indigus:  
 Contentus modico: me rego; caeteris  
 Alto consilio mandet & imperet  
 Curas quisquis amat; jure coerceat.*

Aut frangat populos legibus: ambiat  
 Flexo servitium poplite: sidera  
 Sublimi feriat vertice, & ætheri  
 Inscribat titulos: *nomina criminum*  
 Magnorum jaciunt semina: pullulat  
 Infelix lolium; fructus honoribus  
 Maturat vitium; plena periculis.  
 Et subjecta citis gloria casibus.  
 Virtutem jugulat: jura potentia  
 Extollant alios; fulminis integram  
 Sedem prabet humus; me genus & decus  
 Exornat veterum nobile Principum.  
 Antiquæ genus illustre Britannæ  
 Deductum Proavis grande potentibus.  
 Heros (stirps vetus) Ornarius Anglicis  
 Exortus Ducibus: sanguine splendidus,  
 Excelsis mage virtutibus: *omnibus*  
*Rognis altior est, sub pede qui premis*  
 Et sceptræ & trabeas, & diademata,  
 Et de dira throno fulmina regio,  
 Vibratæque minas: quotquot acinaces  
 Aut tormenta furor, vel potis hæresis  
 Nudis carnificum stringere brachiis,  
 Forti fronte gerit: pro Fidei lucro,  
 Aris, atque focis, Romulidum Sacris.  
 Pulcrum est magnanimum fundere sanguinem:  
 Hic murex meritum dat pretium Duci,  
 Et pulcris decorat stemma coloribus,  
 Virtutiq̃e sacrum, & nobile Martiæ  
 Deductum à Tritavis & Proavis decus  
 Reddit splendidius. Sum Procerum nepos  
 Tantorumq̃e Ducum progenies Patrum:  
 Non me magna tamen purpura sanguinis  
 Extollit patriæ nescium originis

Quæ

Quam terra parens, omnibus æmulam  
 Iris atque Codris non tulit imparem.  
 Stet quicumque volet culmine lubrico  
 Mundi, seque potens misceat ætheri,  
 Attingat tumido sidera vertice,  
 Infra se Boreæ rideat impetus,  
 Et Cauri furias: nubila sub pede  
 Contemnat: melior me saturat quies:  
 Obscuro positus liber in angulo  
 Expers invidiæ: perfruar otio,  
 Quod non diminuat cura, nec anxia  
 Formido, nec edax tinea gloriæ:  
 Nullis per tacitum nota Quiritibus  
 Ætas acta fluat tempus: in aurea  
 Sic cùm pace mei transierint dies  
 Nullo cum strepitu, aut turbine nubili,  
 Divino obsequio compositus senex  
 Plebejus moriar: cælicolùm choro  
 Soli notus: *ei mors gravis incubat,*  
*Notus qui populis est nimis omnibus,*  
*Ignotus moritur deficiens sibi.*  
 Paucis multa loquor: plura nec interest  
 Ornari populum scire: recondere  
 Quæ muto est satius pressa silentio.  
 Ornatus satis est, cùm proba nobilem  
 Virtus progeniem duxit ad athera.  
*Rarò magna vacant nomina crimine:*  
*Hac quo densa loco se cumulaverint,*  
*His virtus laribus nobilis exulat:*  
*Virtus est humili sub lare tutor,*  
*Quàm Regum Assyriis recta palatiis.*  
 Pes affixus humi non amat ardua  
 Casu præcipiti culmina gloriæ,  
 Nec vulgi imperium; me titulis juvat.

Et servum positis vivere clavibus.  
 Frons privata placet : mēnsque potentiam  
 Submissis humeris ferre jubentium.  
 Tanti non mihi sit scire , quis imperet ;  
 Subiecto imperium sit satis obsequi,  
 Mandatisque premi : servio sub iugo  
 Quod non colla gravat, non humeros terit,  
 Non vires nimio pondere dejicit :  
*Suave est, & leve, cum Numen amantibus*  
 Nil sit difficile aut arduum : obaudio  
 Arcanis superūm nutibus ; arbitrum  
 Quod me cunq; jubet Nomen , id exequi  
 Est in delitiis ; id lubet unicūm  
 Æternæ arbitrio stare Potentiæ.  
 Felix sollicitis nuda negotiis,  
 Aularūmque procul seditionibus  
 Mens semota suo tuta silentio.  
 Quæ cum lætitiis, & mala gaudia  
 Infamēsque choros, festa, libidines,  
 Diræāsque agitatur Mundus ineptias,  
 Gaudet delitiis, quas superūm favor  
 Indulget lacrimis dulcè madentibus.  
 O dulces lacrimæ ! currite, currite,  
 Irrorate genas ! vos mea semina  
 Inter mœstitiæ jacta frequentiam  
 Fructus nata, metam gaudia cælites.  
 Vos potus lacrimæ, vos lacrimæ cibus,  
 Vos nectar mihi, vos ambrosia & favus,  
 Has pernox comedo, perdius & bibo.  
 Vos nostrum pelagus, littora palpebræ,  
 Corpus navigium, remigium Dolor.  
 Mens Rector, gemitus Caurus & Africus,  
 Cor custos speculam, spes tenet anchoram,  
 Cursum vela mei ; vota cupiditiam

C

Emi.

Emigrare putri carne frementium.  
 His elatus aquis, æquora pervolans  
 Mortalis pelagi, provehar hospitæ  
 In portus Patriæ; luctibus interim  
 Et lætis liceat fræna doloribus,  
 Et mæstis dare singultibus otia,  
 Et sacris lacrimis addere lacrimas,  
 Et fletus meritis addere fletibus,  
 Donec dent superi dicere: *viximus*,  
 Ac inter lacrimas psallere: *vivimus*.  
 Hanc cecinit mixtam lacrimis Ornarius odam  
 Ast, si non cecinit, potuit cecinisse videri  
 Fidus Amor, frugisque bonæ, vitæq; Nepoti  
 Ad proculcandos Mundi fallacis amores,  
 Carnis & illecebras, stygiique Lycaonis astus  
 Mergendúmq; omnem lacrimarû fluctibus Obe-

*S. Chrysoſtomus, ſerm: in Eutropium* *En-*  
*chum, Patritium, ac Conſulem, tom: 5,*  
*mibi fol: 240.*

**S**I unquam antea, nunc maximè licet dicere: *Vanitas vanitatum, & omnia vanitas.* Ubi nunc in-  
 tus ille conſulatûs ſplendor? ubi illuſtres faces? ubi  
 plauſus illi ac choreæ, epulæq; & feſti conventus?  
 coronæ & aulæ? Ubi ſtrepitus Urbis, & illæ Circen-  
 um ſpectatorum fauſtæ acclamationes? Omnia illa  
 erunt. Procella vehemens folia dejecit, arborem  
 liatam reddidit, jam radicitus vacillantem: tanta  
 vis venti impacta eſt, ut, cum nervos ejus univerſos  
 cuſſerit; tum ipſa funditus proſternere minetur.  
 nunc fucati illi amici? ubi computationes & cenæ  
 ubi Paraſitorum examen, & merum per totam diem